

Lativa Mercera di departamento di Epidemiologia:

Personanan infecta cu Chikungunya a wordo isola

ORANJESTAD –E casonan sospechoso di e virus Chikungunya a wordo isola, segun Lativa Mercera di e departamento di Epidemiologia di Departamento di Salubridad Publico. A pidi e personanan pa no traha, pa nan keda na cas. **A TUMA ACCION**

Si tin un cantidad di sangura rond y e personanan aki por tin e virus of ta un caso sospechoso cu ta cana rond, por haya cu e virus cu por plama den un rato. Mester keda cas entre 5 cu 10 dia. E personanan aki no

mag di bay traha y keda cas den isolacion. DESPA a cuminsa di biaha cu a cuminsa spuit y e hendenan di biaha a wordo isola. No a warda pa e resultado yega. Si e resultado yega y nan a bay den un caminda cu tin yen di sangura, e ora tin Chikungunya rond di Aruba, hunto cu dengue. Esey no ta e idea tampoco.

Mientras tanto e persona lo por a cura caba mientras cu e resultado ta dreña. Tin e cantidad di dianan cu a pasa caba cu e virus no ta mucho mas den e

persona su sistema.

HISTORIAL

Manera cu BON DIA ARUBA publica recientemente, tabata tin tres caso sospechoso di e virus di Chikungunya. E aviso a dreña na Departamento di Malesanan contagioso. E momento ey mes a yama departamento di epidemiologia, GKMB y team di maneho y a pone tur na altura. E personanan a bay eynan, caminda a haci un sondeo.

E personanan aki a bin for di Sint Maarten. Dos di e banda

Frances y e otro di parti Hulandes.

E investigacionnan a cuminsa e momento eynan haciendo nan preguntanan manera cu tin para den e formulario di dengue. Epidemiologia a wordo poni na altura y adicional a tuma contacto cu CARFA. Tambe dr. Salazar a pasa wak e personanan aki y a haci su preguntanan, su investigacion tambe y di parti di departamento di malesanan contagioso a tuma sanger. E sanger a wordo manda Hulanda pa e

referencia di laboratorio. Asina e investigacionnan ta siguiendo.

Despues cu tabata tin esakinan haci, GKMB a bin na su lugá y nan a bay na e casnan y haci nan control cu nan mester a haci y via protocol como un caso sospechoso tin su cantidad di meter cu ta wordo gespuit y e cas cu ta wordo controla. Tin cu warda pa mas of menos despues di 8 pa 10 dia cu tin un resultado cu ta trata di un caso sospechoso di Chikungunya. □